


# ANG DIOS MAGAGIYA KANIMO



**Tun-i kini mahitungod sa Dios**

Ang Dios mitawag kang Abram sa pagsunod Kaniya.

Ang Dios magagiya ug magapanalangin kanila nga magasunod Kaniya.

Ang Dios magagiya kanimo pinaagi sa Iyang basahon--ang Biblia.

Basaha kini gikan sa Biblia  
Kusga pagbasa makalima nga subli



Ug si Jehova miingon kang Abram: Pahawa ka gikan sa imong kaubanan, ug sa balay sa imong amahan. . . ngadto sa yuta nga akong igapakita kanimo. Akong pagabuhaton kanimo ang usa ka dakung nasud, ug ikaw pagapanalangin ko. . . ug ikaw mahimong panalangin. Genesis 12:1,2.

**Mabuhat mo ba kini?**

Badlisi libot gayud sa tukma nga tubag.

1. Kinsa man ang gisaaran sa Dios nga Iyang panalangin?  
Abram    Nimrod    Cain
2. Si Abram mahimong amahan sa?  
gamay nga tribo    dakung nasud    usa ka pamilya
3. Unsa man ang gigamit sa Dios sa paggiya kanimo?  
mga bitoon    Biblia

## Mga Tubag

1. Abram
2. usa ka dakung nasud
3. Biblia

### Mga Pulong nga imong pagatun-an

Ang **Ur** maoy usa ka siyudad diin nagpuyo si Abram

Ang **Canaan** maoy usa ka nasud diin gidala sa Dios si Abram.



Ang Dios mitawag kang Abram sa pagsunod Kaniya.

Badlisi ubos sa tanang pulong gikan niini  
nga timaan<sup>•</sup> ngadto sa<sup>•</sup>

Ang uban nga mga panimalay kinahanglan mopahawa  
sa Babel ug sila nangadto sa Ur ug nagtukod  
niini nga siyudad.

Si Abram didto natawo sa Ur.

Ang amahan ni Abram nagaampo ngadto  
sa daghang mga diosdios.

Ang mga katawhan ni Abram nagaampo ngadto sa  
daghang mga diosdios nga dili makadungog  
ug dili makakita.

Sila wala makaila sa usa ka tinuod nga Dios.

•Wala silay Biblia nga magatug-an kanila  
mahitungod sa tinuod nga Dios.


Si Abram wala makaila sa tinuod nga Dios.

Apan ang Dios nakaila kang Abram ug naghigugma kaniya.

Ang Dios nagtawag kang Abram ug misugo kaniya:

“Biya-i ang imong panimalay ug nasud. Biya-i ang mga  
diosdios sa imong amahan.

•Somunod ka kanako ngadto sa usa ka yuta  
nga akong ipakita kanimo.”•



## Ang Dios magagiya ug magapanalangin kanila nga magasunod Kaniya.

Ang Dios nagsaad kang Abram: “Kon ikaw mosunod kanako, Ako magapanalangin kanimo ug magahimo kanimo nga bantugan.

Himoon ko ikaw nga amahan sa usa ka bantugan nga nasud. Ako magapanalangin kanimo ug ikaw mamahimong panalangin.”

Si Abram nasayud nga ang tinuod nga Dios nagatawag kaniya.

• Si Abram mitoo sa gisulti sa Dios kaniya. •

Ang asawa ni Abram, si Sarai, mitoo usab sa saad sa Dios.

Si Abram ug si Sarai mibiya sa siyudad sa Ur.

• Ilang gibiyaan ang mga diosdios nga binuhat sa mga tawo. •

• Sila misunod sa usa ka tinuod nga Dios. •



• Si Abram ug ang Dios suod nga managhigala. •

Si Abram nakigsulti sa Dios.

Ang Dios nakigsulti kang Abram.

Ang Dios nagauban kang Abram ug nagpakita kaniya sa dalan nga pagaagian.

• Ang Dios nagagiya kang Abram ngadto sa yuta sa Canaan. •


Bisan diin si Abram ug si Sarai nagpuyo si Abram naghimo ug usa ka halaran ngadto sa Dios.

Siya nagahatag ug mga halad ngadto sa Dios sama kaniadto kang Abel, Enoch ug kang Noe.

Si Abram nahimong panalangin, nahimong katabang ngadto sa daghan nga mga tawo.

Siya nagtug-an kanila mahitungod sa tinuod ug buhi nga Dios.






• Ang Dios kanunay nga nagtuman sa Iyang mga saad  
Ang Dios nagpanalangin kang Abram ug naghimo kaniya  
nga datu.

Apan si Abram miabot sa pagkatigulang  
ug wala makabaton ug mga anak.

Apan sa gihapon siya nagtoo sa mga panaad sa Dios.  
Ug ang Dios nalipay tungod kay si Abram mitoo man Kaniya.



Ang Dios nagbag-o sa ngalan ni Abram ngadto sa pagka  
Abraham.

Ang pulong Abraham nagkahulogan “amahan sa daghan.”  
Ang pulong Sara nagkahulogan “inahan sa mga principe.”

Giilisan ang ngalan nga Sarai ngadto sa ngalang Sara.

Ang Dios naghatag kang Abraham  
ug kang Sara ug usa ka anak nga may ngalan nga  
Isaac.

Ug ang usa ka dakung nasud miabot pinaagi kaniya.

**Ang Dios magagiya kanimo pinaagi sa Iyang basahon--ang Biblia.**

Diha sa Biblia ang Dios nagtawag kanimo sa pagsunod Kaniya.

Siya misaad sa paggiya ug sa pagpanalangin kanimo.

Siya magatug-an kanimo unsa ang imong buhaton.

• Sunda ang Dios ug Siya maga giya kanimo ngadto sa langit. •

Bisan unsa pa ang imong pagabiyaan,  
sunda ang Dios sama kang Abraham.

Ang Dios motabang kanimo ug magpakita kanimo sa imong  
pagabuhaton.

### Pag-ampo

Si Abraham mibiya sa iyang nasud ug mga kahigalaan  
ug misunod Kanimo, O Dios, sa tibuok niyang kinabuhi.  
Pasunda usab ako kanimo. Palakwa ako suod Kanimo  
aron Ikaw malipay kanako sa tibuok kong kinabuhi. Amen!



**Karon sulati ang imong Talaan sa Tinun-an alang sa Leksyon 10**

INTERNATIONAL CORRESPONDENCE INSTITUTE  
PHILIPPINE NATIONAL OFFICE, P.O. BOX 1084, MANILA

## 10


# ANG DIOS MAGAGIYA KANIMO

## KALINGAWAN NGA IMONG PAGABUHATON

Pakiglakaw uban kang Abram.

Si Abram mipanaw sa halayong dapit. Isulat ang ngalan sa mga dapit nga iyang giagian sumala sa kadaghanon sa numero nga anaa sa hulagway, tanawa kini sa leksion 10.

1. Diin man si Abram magpuyo?
2. Kinsa man ang nagtawag kang Abram?
3. Unsa man ang gitukod ni Abram?
4. Kinsa man ang ngalan sa anak ni Abram ug ni Sarai?
5. Diin mang yutaa dad-a sa Dios si Abram?



Nakatoon ka na mahitungod sa daghang mga tawo nga nahigugma ug nagpahimuot sa Dios. Paghatag ug tulo ka ngalan nga buot ikaw mahisama kanila.

.....

Sa unsang mga paagiha nga buot ikaw mahisama kanila?

.....

.....

.....

**Paghimo ug badlis gikan sa ngalan sa wala ngadto sa tukma nga mga pulong sa too.**

- |                       |   |   |  |
|-----------------------|---|---|--|
| 1. Ang Ur             | ● | ● | nagkahulogang "Amahan sa daghan."      |
| 2. Ang pulong Abraham | ● | ● | mao ang asawa ni Abraham.              |
| 3. Si Sarah           | ● | ● | mao ang anak ni Abraham.               |
| 4. Si Isaac           | ● | ● | mao ang siyudad nga gipuy-an ni Abram. |
| 5. Ang Biblia         | ● | ● | mao ang Pulong sa Dios.                |

**Butangi ug kolor ang kahon ubos sa pulong nga naghatag sa tukma nga tubag.**

- Ang tanan bang mga tawo nahigugma sa Dios?
- Si Abram lang ba maoy nagbalhin sa iyang ngalan?
- Si Abram ba mitoo sa gisaad sa Dios?
- Ang Dios ba magapanalangin kanila nga nagatoo Kaniya?
- Ikaw ba nagtoo sa gisulti sa Dios diha sa Biblia?

Oo	Dili

**Mga pangutana, mga panultihon, mga hangyo sa pag-ampo**

.....  
 .....

**Pangitaa ang mga pahina sa Leksyon 7, 8, 9, ug 10.  
 Ipadala kini sa coreo ngadto sa ICI sa imong dapit.**

Nabuhat mo na ba tanan niini nga leksyon? .....

Linawa sa pagsulat nga minuldi ang imong ngalan .....

.....

Grado .....

Ang imong papel sa pasulit pagahatagan ug grado ug ipadala balik kanimo, kauban sa sunod nimgong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE  
 PHILIPPINE NATIONAL OFFICE—P.O. BOX 1084, MANILA